



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

Descrición Decreto: Decreto aprobando bases do XOGARZÚA 2021

DON JOSÉ LUIS GARCÍA LÓPEZ ALCALDE PRESIDENTE DO CONCELLO DE ARZÚA (A CORUÑA)

Vistas as circunstancias que levamos máis dun ano sufrindo por mor da pandemia COVID-19, así como a necesidade de continuar con medidas de protección e seguridade, para evitar contaxios e propagación do coronavirus, son as que fan establecer ao Concello de Arzúa un número determinado por grupo nos campamentos de conciliación do verán. (XOGARZÚA)

Vistas as necesidades por espazos habilitados establecerase un criterio de admisión, no que se valorará primeiro a necesidade de medidas de conciliación que axuden a familias nas que teñen que traballar ambos proxenitores (ou un só en caso de familias monoparentais), e con posterioridade outros criterios, xa que o Concello segue asumindo o seu papel de garante da igualdade e de fomento da conciliación e desenvolva un programa de conciliación especial para afrontar a situación do COVID-19, tal e como se atopa no período de verán.

Vista a normativa estatal e autonómica sobre o número de persoas en grupos, e a súa posible modificación, establece un máximo de 3 grupos, cuxa ratio axústase á normativa estatal e autonómica actual, mais podería ser modificada con posterioridade, se así o establece a Xunta de Galicia, ou o Goberno de España, debido á situación cambiante dos contaxios. Se a Xunta de Galicia establece un número menor ou maior de persoas por aula o Concello de Arzúa podería reducir ou ampliar a capacidade das aulas. Estas bases están condicionadas a calquera modificación da normativa estatal, autonómica ou local, tanto sanitaria como de outra índole, pola que se poidan ver afectadas.

Vista a situación de pandemia, o Concello de Arzúa establece a posibilidade de suspensión temporal ou definitiva do programa ou modificación substancial, no caso de ser necesario, ben por cuestións xurídicas ou de feito.

Vistos os alicerces normativos que motivan a realización deste servizo por parte do Concello de Arzúa, atópanse nos:

- Artigo 14 CE na que se establece o principio de igualdade formal
- Artigo 9.2 CE na que se recolle o principio de igualdade material, co mandato expreso aos poderes públicos.
- O Decreto legislativo 2/2015, de 12 de febreiro, polo que se aproba o texto refundido das



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono:981 50 00 00

disposicións legais da CCAA de Galicia en materia de igualdade (artigo 44: colaboración municipal en plans e programas autonómicos; artigo 95: promoción autonómica de medidas municipais de conciliación)

- A lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostibilidade da Administración Local, establece no artigo 3.3.e) que non se considera o exercicio de novas competencias "a realización de obras, axudas, adquisicións ou subministro de emerxencia a causa de acontecementos catastróficos, situacións que supoñan grave perigo ou necesidades que afecten a seguridade publica"

- Artigo 25.2 o) da Lei 7/1985, de 2 de abril de bases de réxime local, na que se recolle como competencia propia do municipio as actuacións na promoción da igualdade entre homes e mulleres.

-Ordenanza Xeral de prezos públicos e modificacións do Concello de Arzúa

Considerando o informe técnico do CIM, o informe xurídico de Secretaría e o informe de intervención establececen as seguintes bases para levar a cabo o programa XOGARZÚA 2021

BASES

1. PERSOAS USUARIAS: Terán acceso ao programa XOGARZÚA 21 as e os menores empadroadas/os que teñan entre catro e doce anos, ambos inclusive, na data de solicitude.

2. HORARIO: O horario do programa XOGARZÚA 2021 será de mañá, con posible entrada en diferentes horas, ás 08:30, ás 09:00 e as 9:30 h, para facilitar a conciliación, e saída ás 13:30, ás 14:00 e ás 14:30 h.

Aquelas familias que necesiten unha entrada en horario anterior ou unha saída en horario posterior deberán riscar o apartado e xustificar a necesidade.

Calquera cambio na hora de entrada deberá ser solicitado e autorizado polo CIM.



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

3. QUENDAS: O programa XOGARZÚA2021 será desde o 28 de xuño ao 3 de setembro, e distribuirase en catro quendas. A primeira e a cuarta quenda durarán tres semanas, e a segunda e terceira quenda durarán dúas semanas. Os días festivos non haberá programa.

Haberá que ter un grupo mínimo de 3 menores en cada quenda para que o grupo se realice.

- a. Primeira quenda: do 28 de xuño ao 15 de xullo, ambos inclusive. (3 semanas)
- b. Segunda quenda: do 19 ao 30 de xullo, ambos inclusive (2 semanas)
- d. Terceira quenda: do 2 ao 13 de agosto, ambos inclusive (2 semanas)
- e. Cuarta quenda: do 17 de agosto ao 3 de setembro. (3 semanas)

4. CRITERIOS PARA A ADSCRICIÓN DE PRAZA: No caso de que haxa máis solicitudes que prazas nos grupos estes serán os criterios de adscripción de praza. Dentro de cada grupo que corresponda a un criterio determinado realizarase o listado en función do tempo de rexistro.

4.0 O criterio técnico das profesionais do CIM, en situacións especiais.

4.1 Que a persoa usuaria (menor) estea empadroada en Arzúa, e ambos proxenitores (ou a familia monoparental) traballen no período no que se inscribe.

Neste grupo primarase, no caso de superar o número de capacidade, a aquelas familias que traballen de maneira presencial sobre aqueles que realicen teletraballo.

4.2 Que a persoa usuaria (menor), ou a que ten a custodia estea empadroada en Arzúa.

4.3 Que a persoa que ostente a custodia ou ambos proxenitores traballen en Arzúa no período e horario no que funciona o XOGARZÚA.

4.4 O resto de solicitudes.

Para acreditar o traballo dos proxenitores haberá que presentar o Anexo I, onde a empresa sinala que a nai ou o pai vai traballar no período concreto para o que solicita o programa, e non estará en período de vacacións, ou sometido a un ERTE ou ERE total. Igualmente deberá sinalar se traballa de maneira presencial ou con teletraballo. Anexo I



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

No caso de autónomos ou xente da agraria ou mutualidad alternativa ao RETA, deberán aportar unha declaración responsable nos mesmos termos, seguindo o anexo II, e o último recibo do pago do seguro ou mutua que acredite a dita situación.

Se necesita este programa, xa que non ten medios para conciliar, cubra a solicitude no apartado OUTRAS INCIDENCIAS, explicando o seu caso particular, e será chamado polo persoal técnico para analizar a súa situación.

5 . SAÚDE: Calquera circunstancia de saúde que poida afectar á/ao menor ou menor (alerxias, intolerancias, enfermidades crónicas, afeccións de saúde,) deberase sinalar na solicitude e achegar un informe médico sobre a diagnose e as actuacións que debe ter en conta o monitorado. De non achegar o informe médico, entenderase que non existen.

Poderase tomar a temperatura aos menores na entrada do XOGARZÚA. No caso de superar a temperatura fixada polas autoridades sanitarias para considerar compatible con COVID 19, a/o menor non poderá entrar no campamento, chamarase á familia, e deberá cumprir os protocolos sanitarios establecidos.

6. AUTORIZACIÓN PARA RECOLLER Á PERSOA USUARIA: Coa solicitude achegaranse os datos da persoa que está autorizada pola nai ou polo pai para recoller á/o menor, no XOGARZÚA. De non achegar estes datos, entenderase que soamente poderán recoller a/o menor a/s persoa/s solicitante/s.

7. DIVERSIDADE FUNCIONAL: O Concello reserva unha praza para menores con discapacidade. É imprescindible que a discapacidade permita integrarse no grupo de traballo de XOGARZÚA

No caso de non seren cubertas, ampliarán o número de prazas xerais. Para optar a estas prazas, haberá que presentar o certificado de discapacidade superior ao 33%.

8. CUSTO: Mantense o prezo semanal de 10 euros, polo que o custo da primeira, e cuarta quenda, que duran tres semanas cadansúa, será de 30 euros cada quenda; e a segunda e cuarta



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono:981 50 00 00

quenda terá un custo de 20 euros, ao ser dúas semanas

a) O programa de educación familiar poderá informar para a exención de cotas para tres menores. Para que lle sexa aplicable esta exención haberá que presentar o informe da educadora familiar.

b) As familias numerosas terán unha bonificación do 50% da cota. Para que lle sexa aplicable esta bonificación haberá que presentar a copia do título de familia numerosa en vigor.

9. EMPADROAMENTO: para acreditar o empadramento, bastará con autoriza ao Concello de Arzúa para comprobalo no Padrón Municipal, riscando a cela adecuada. No caso contrario, deberá achegarse un certificado de empadramento da persoa da que se queira acreditar o dito empadramento en Arzúa.

10. PUBLICACIÓN: As listaxes de persoas preadmitidas e aquelas outras que teñan que emendar a solicitude publicaranse na páxina web e no taboleiro do Concello, a través do DNI ou NIE (riscados dous números) da persoa solicitante, co número de lista provisional asignado. Igualmente o listado de persoas admitidas.

O resto das comunicacións realizarase coa publicación se son xerais, ou a través do correo electrónico sinalado na solicitude.

11. NORMAS: A inscrición na actividade supón o compromiso de aceptación das normas.

a) Seguindo as recomendacións sanitarias, cando calquera menor ou persoa da súa familia/contorno teña síntomas de febre ou similares aos establecidos para o coronavirus, o/a menor deberá permanecer na súa casa, sen acudir ao XOGARZÚA 2021, durante a corentena marcada polas autoridades sanitarias.

b) No programa poderase tomar a temperatura aos menores e no caso de síntoma de febre, chamarase á teléfono sinalado da familia. para que o pase a buscar e cumpra os criterios médicos establecidos para estes casos.

c) Dereitos das persoas usuarias:



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

- Bo trato por parte do persoal do servizo e das outras persoas usuarias do servizo
 - A confidencialidade sobre os seus datos sanitarios, económicos e sociofamiliares
 - Favorecer a súa participación no servizo.
- d) Obrigas das persoas usuarias:
- Utilización de máscara antiCOVID
 - Incorporarse á actividade nos horarios establecidos.
 - Non abandonar a actividade sen autorización da persoa responsable.
 - Entregar a documentación requirida.
 - Para a recollida das/os menores sempre será requirida a comparecencia dalgunha das persoas que figuran autorizadas.
 - Respetar as normas establecidas pola monitoraxe de cada aula, así como as de rexime interno das instalacións onde se desenvolvan.
 - Non transferir a praza asignada.
 - Manter unha actitude de respecto e consideración co persoal e coas demais persoas usuarias.
 - No caso de falta de respecto e con outras persoas usuarias ou monitorado do campamento, comunicárase á persoa solicitante, por parte do monitorado a primeira vez. Se se repetise esta actuación, ou a primeira consistise nunha agresión, o monitorado fará un informe que trasladará ao persoal do CIM, para que poida analizar coa familia posibles solucións, entre as que se atopa, o suspender durante unha semana ou varias a participación no XOGARZÚA, e incluso a baixa do mesmo.
 - O incumprimento reiterado das normas establecidas supora; causa de baixa.
- e) Reunión informativa: Antes do inicio da XOGARZÚA haberá unha reunión informativa para as familias coa empresa encargada do desenvolvemento do campamento e o persoal do



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

CIM. En principio terá lugar, en horario de mañá, no Salón de Plenos do Concello. A hora será confirmada na páxina web do Concello. Poderá asistir por cada familia unha persoa, non tendo que ser a persoa solicitante.

f) Renuncia a praza e devolución do importe: Se unha vez obtida a praza e aboado o prezo correspondente, non puidese asistir a; actividade por causa médica, so tera dereito a devolución da cota no caso de que comunique e xustifique a renuncia por escrito cun informe médico e solicite a devolución da cantidade aboada, antes do inicio da actividade.

DOCUMENTACIÓN A ACHEGAR

- a. Fotocopia do DNI/NIE da persoa solicitante (nai ou pai)
- b. Anexo I: Informe da empresa conforme ambos proxenitores, ou a persoa que ostenta a custodia traballa no período solicitado para o XOGARZÚA, e o fai de maneira presencial ou teletraballando.
- c. Anexo II: No caso de persoas autónomas ou réximes especiais de cotización, deberán acompañalo do último xustificante de pago do seguro ou Mutualidade
- d. No caso de non autorizar a comprobar os datos no padrón municipal, deberán achegar o volante de empadramento da o persoa empadroada no Concello de Arzúa.
- e. No caso de ter algún tipo de alerxia, enfermidade ou afección de saúde, deberá achegar o informe do médico onde conste a diagnose e as actuación previas ou posteriores a ter en conta. Se non se achegan, entenderase que non existen.
- f. No caso de solicitar a bonificación por familia numerosa, a fotocopia do título de familia numerosa en vigor.
- g. No caso de solicitar a exención da cota por participar en programas de educación familiar, é necesario o informe da educadora familiar do Concello de Arzúa.
- h. No caso de optar ás prazas reservadas para menores con discapacidade, a fotocopia do certificado de grao de discapacidade superior ao 33%.
- i. No caso de familias monoparentais, terán que acreditar esta situación co libro de familia, ou coa sentenza onde se estableza o tipo de custodia.



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

ESPECIAL ATENCIÓN:

- É necesario cubrir todos os apartados da solicitude, e achegar toda a documentación que se solicita.
- Novidade: Cando ambos proxenitores formen unha unidade familiar (casados, ou parella de feito rexistrada na Xunta de Galicia) deberán cubrir e asinar **AMBOS** a solicitude, para que se poida ter en conta o feito de que ambos traballan. No caso de familias monoparentais (ben ao ser nai ou pai solteira/o, viúva/o, separada/o ou divorciada/o xudicialmente, ou que teñan convenio aprobado xudicialmente que determine que ten a custodia ou que lle corresponde o período vacacional no tempo do XOGARZÚA) basta a sinatura desa persoa.
- As solicitudes debidamente cubertas poderán remitirse por Sede electrónica do Concello de Arzúa, ou entregaranse no Rexistro municipal (1ª planta) ou por calquera das canles establecidas na Lei 39/2015, do 1 de outubro, de procedemento administrativo común. (Nota: Desde calquera rexistro municipal de España, ou rexistro autonómico ou estatal pode ser remitido ao Concello de Arzúa. O código do Rexistro xeral do Concello de Arzúa é 000012737)
- Cubrir con especial atención o apartado de autorizacións para recoller á/ao menor. De non se facer así, soamente poderá ser entregada á persoa solicitante (nai ou pai)
- A persoa solicitante pode ser tanto a nai como o pai, e ambos os dous. Se soamente é cuberto por un proxenitor, soamente poderá ser recollido por esta persoa solicitante, no caso de non autorizar ao outro proxenitor
- As listaxes de persoas preadmitidas e aquelas outras que teñan que emendar a solicitude publicaranse na páxina web do Concello e no taboleiro electrónico do Concello. Igualmente a resto de listaxes necesaria ou comunicacións xerais.
- Calquera dúbida poden chamar ao Centro de Información ás Mulleres, 981 501101 ou, no 981 50.00.00, ou ben no correo cim@concellodearzua.com

PAGAMENTO

As cotas pagaranse unha vez aparecido o DNI/NIE na listaxe definitiva de persoas admitidas, na que xa figurará a cantidade a ingresar. Sempre con anterioridade ao inicio da actividade a traves do sistema de autoliquidación, que enviarase ao correo electrónico indicado na solicitude, e de non sinalalo, poderán recollelas, no rexistro do Concello. Polo mesmo sistema, remitirase o xustificante de pago.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono: 981 50 00 00

O prazo máximo de pago será do día anterior á reunión informativa.

No caso de que alguén non pague en prazo, e a praza quede baleira, pasará a ocupar a praza a seguinte persoa que estea na lista e cumpra os requisitos e prioridades.

Na reunión informativa traian o xustificante de pago.

CALENDARIO

A) Preinscricións: Do 21 de maio ao 1 de xuño, preferiblemente en Sede electrónica do Concello

B) Publicación da lista por orde de criterios e de emendas de solicitudes: 3 de xuño.

C) Prazo de emenda de solicitudes: ata o 16 de xuño

D) Publicación da lista de persoas admitidas: 17 de xuño

E) Pagamento de taxas: Do 18 ata o 22 de xuño.

F) Reunión informativa: En principio, o 23 de xuño, pola mañá.

G) Cobertura de prazas non satisfeitas: Ata o 25 de xuño

En virtude das facultades outorgadas a Alcaldía polo artigo 21 da Lei 7/1985, de 2 de abril, reguladora das bases de réxime local

RESOLVO:

PRIMEIRO.- Aprobar as bases sinaladas nos considerando deste decreto do programa de conciliación XOGARZÚA 2021

SEGUNDO.- Que este programa sexa xestionado desde o CIM.



CONCELLO DE ARZÚA

Rúa de Santiago, 2,
15810 Arzúa
A Coruña
Teléfono:981 50 00 00

Arzúa, asinado dixitalmente na data e hora que figura a marxe

O Alcalde - Presidente
Asdo.- JOSÉ LUIS GARCÍA LÓPEZ

Dou fe, a secretaria
Asdo.- REBECA VÁZQUEZ VÁZQUEZ